

Аллоҳга ҳар қандай ҳолатда тақво қилиш



11:00 / 13.03.2023 1795

عَلَيْهِ لَطَقُ قِيَّتِ سَأَمْلِسُ وَهِيَ لَعَلَّ لِي صَيِّبٌ لَأَنْ أَعُوذَ بِاللَّيْضِرِّ رَمَلَسْتُ مُنْعَ
نَمْ؟ نِيَّاتُ خَلِّ أَلَمْ لَزُنْ أَدَامَ وَ؟ نَتَفَلَّأَمْ؟ نَمَّ عَلَيَّ لَلَّ لَزُنْ أَدَامَ هَلَّ لَأَنْ خُبُّ سَ: لَأَقَ فِ
يُ رَأْخُ بَلَّ أَوْرَءَ خَلِّ أَلَمْ يَفِي رَاعِ أَيْ نَدَلَّ أَلَمْ يَفِي سَأَكْبُرُ أَلَمْ يَتَأَخُّجْ لَبَّ حَ أَوْ صُ طَقُ وُيُ

Умму Салама розияллоху анҳодан ривоят қилинади:

«Набий соллаллоху алайҳи васаллам бир кеча уйғонганларида:

«Субҳаналлоҳ, бу кеча қайси фитналар нозил қилинди? Ҳазиналардан нима нозил қилинди? Хужралар соҳибаларини ким уйғотади? Эвоҳ! (Не-не жонлар) бу дунёда кийимли, у дунёда яланғочлар?!», дедилар».

Бухорий ривоят қилган.

Умму Салама онамиз Пайғамбаримиз соллаллоху алайҳи васалламнинг ўз олдларида ётган кечалардан бирида уйғонган пайтлари айтган гапларини ривоят қилиб бермоқдалар:

1. «Субҳаналлоҳ».

Умму Салама онамиз розияллоху анҳонинг Пайғамбаримиз соллаллоху алайҳи васалламдан биринчи эшитган калималари «Субҳаналлоҳ» сўзи бўлган экан. Аслида эса Пайғамбаримиз соллаллоху алайҳи васалламнинг уйқудан уйғонганларида «Алҳамдулиллаҳиллази аҳяна баъда ма аматана ва илайҳин нушуур» дейиш одатлари бор эди.

2. «Бу кеча қайси фитналар нозил қилинди?»

Демак, ҳар кеча фитналар нозил қилинар экан. Инсон Аллоҳга сиғиниб, ўша фитналардан паноҳ сўраб турмоғи лозим.

3. «Ҳазиналардан нима нозил қилинди?»

Демак, ҳар кеча Аллоҳнинг фазли, раҳмати ҳам нозил бўлиб турар экан. Шу боис улардан ҳам насийба сўраб туриш лозим экан.

4. «Ҳужралар соҳибаларини ким уйғотади?»

Бу билан Пайғамбаримиз соллаллоҳу алайҳи васаллам завжаи мутаҳҳаралари – оналаримизни назарда тутмоқдалар. Демак, аҳли аёлни ҳам кечаси Аллоҳнинг ибодатига уйғотиш лозим.

5. «(Не-не) бу дунёда кийимли, у дунёда яланғочлар».

Бу дунёдаги либослар оқибатга далолат қилмас экан. Бу дунёда чиройли кўринишга ҳаракат қилиб, қимматбаҳо кийимларни кийиб, фахр билан ўзини бозорга солиб, кўз-кўз қилиб юрганлар солиҳ амаллари йўқлигидан охирада шармандаси чиқиб, яланғоч бўлиб қолиши ҳеч гап эмас экан. Уйқудан уйғонганда ана шуларни эслаб, ҳар ким ўзига яхшилиқни сўраши лозим.

«Ҳадис ва ҳаёт» китоби асосида тайёрланди